

200 cavalli de inimici, italiani, de verso Spoletto, capi di quali erano el conte Pietro Maria di Rossi et Alexandro Vitello che fugirono a Roma del campo del Papa ad inimici, et Brazo Baion, et 7 altri capi italiani inimici; et il signor marchese di Saluzo, col signor Federico, cum una banda de fanti et cavalli francesi et di cavalli nostri, et de 4 compagnie nostre de corsi, inteso questo, se spinse a quella volta, et li ha combattuti in una abazia et superati, havendoli havuti a discretione, et doman saranno qua tutti li captivi, che è stato certamente utile et honorata fatione. Ogni dì mò si farà qual cosa, et se muteremo de questo alloggiamento tutto consumato et pieno di peste.

321) *A dì 11.* La matina, vene in Collegio sier Agustin Valier venuto proveditor di Veia, in loco del qual andoe sier Marin Polani fatto per danari, et lui era vestito di beretin, et referite di quelle cose di l' isola.

Vene l' orator di Fiorenza per le artellarie rechiede per il Capitanio zeneral et il nostro proveditor Pixani, qual non le ha mandate, et farano che quelle artellarie sono, al pezo sarà condutte in campo.

Di sier Piero Lando capitano zeneral da mar, date a Corfù, a dì 24 Avosto. Come havia retenute le galie de Baruto zonte lì, et con quelle di Alexandria insieme le farà acompagnar al Proveditor di l' armada Mula fino Cao . . . acciò vadino segure. Al qual proveditor Mula dava ordine retenir tutti navilii di formenti che 'l trovava, et mandarli a Corfù; et scritto al capitano del Golfo vadi verso la Puia, et li navilii trovasse con formento li mandì a la volta di Venetia. *Item*, scrive esser lì con 23 galie, et scrive zerca sali longamente.

Di campo, del proveditor zeneral Contarini, da Marignan, di 10, vene lettere. Come hanno da Milan, che heri sera partì una bandiera di lanzinech da Milan et andò a Como, et che sono ritornati in Milan molti di quelli legnami et cestoni che fono portati a la volta di Biagrassa. *Item*, scrive si dicea lì in campo, che quelli è in Alexandria erano venuti a parlamento di rendersi; ma di questo nulla si ha dal clarissimo Pexaro. *Item*, in Milan el Leva ha fatto far uno bando che se buti zoso le caxe de li foraussiti, et che si toy li legnami et quelli si portano in castello.

32* *Da Brexa, di sier Antonio Barbaro podestà, et sier Zuan Ferro capitano, di 10.* Man-

da una lettera à hauta esso Capitanio da Ise: come per uno venuto, quel Capitanio ha esser passà per Trento il conte Lodovico da Lodron, qual va suso per far zente et lanzinech et condurli in Italia. *Item*, scrive haver lettere del Grangis, che in Austa (Augusta?) si feva bon numero di lanzinech per venir in queste parte, et in questa hora 13, uno prete di qui, ha un beneficio a Condin su quel di Trento, ha hauta lettere dal suo capelan, li scrive voy far levar le sue intrade perchè le andà in sinistro, et si fa spazar le strade per li lanzinech dieno venir.

Fu poi lecto una suplication di sier Francesco da chà da Pexaro, qual dimanda di gratia poter star

Scurtinio di Proveditor zeneral in campo, niun passoe.

Sier Marco Grimani procurator . . .	85.104
Sier Tomà Moro fo capitano a Verona, qu. sier Alvixe . . .	82.101
Sier Sigismondo di Cavalli fo proveditor in campo, qu. sier Nicolò . .	47.142
Sier Giacomo Soranzo procurator . .	34.153
Sier Polo Nani fo podestà a Verona, qu. sier Zorzi . . .	88.102
Sier Zuan Ferro è capitano a Brexa, qu. sier Antonio . . .	28.163

Savio sora le acque, in luogo di sier Zuan Francesco Sagredo è andato Proveditor a Zervia.

Sier Etor Loredan fo proveditor sora il cotimo di Londra, qu. sier Nicolò qu. sier Alvise procurator . . .	51.135
Sier Valerio Marzello fo savio a terra ferma, qu. sier Giacomo Antonio el cavalier . . .	85. 96
Sier Lorenzo Barbarigo è proveditor sora i daciai, qu. sier Lorenzo qu. sier Hironimo procurator . . .	55.125
Sier Carlo Contarini el savio a terra ferma, di sier Panfilo . . .	68.110
Sier Marco Memo fo proveditor sora i uffici, qu. sier Andrea . . .	44.138
Sier Alvise Balbi fo proveditor di Comun, qu. sier Marco . . .	25.154
Sier Zuan Maria Malipiero qu. sier Piero, qu. sier Marin . . .	47.135
Sier Marco Zen è proveditor di Comun, qu. sier Francesco . . .	57.128